

## UPRAVA

Broj: 03-03-01- 1143 /20

Sarajevo, 07.09.2020. godine

Na osnovu člana 100. stav 3) Zakona o javnim nabavkama („Službeni glasnik BiH“, broj 39/14), Pravilnika o postupku nabavke broj: PR/SN/01 od 24.02.2015. godine, u postupku jave nabavke KZ 16/20 – Nabavka boja i lakova, rješavajući po uloženoj žalbi ponuđača „MARKER“ d.o.o. Zenica, na Odluku o izboru najpovoljnijeg ponuđača broj: 03-03-01-1134/20 od 28.08.2020. godine, v.d. direktor donosi:

### ODLUKU

- o usvajanju žalbe -

#### KZ 16/20 – NABAVKA BOJA I LAKOVA

##### Član 1.

Usvaja se žalba ponuđača „MARKER“ d.o.o. Zenica, kao osnovana.

##### Član 2.

Poništava se Odluku o izboru najpovoljnijeg ponuđača broj: 03-03-01-1134/20 od dana 28.08.2020. godine.

##### Član 3.

Ova odluka će biti objavljena na web-stranici: [www.toplanesarajevo.ba](http://www.toplanesarajevo.ba), istovremeno s upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.

##### Član 4.

Za izvršenje ove odluke zadužuje se i ovlašćuje Služba nabavke.

##### Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

#### Obrazloženje

Ugovorni organ je dana 24.07.2020. godine pokrenuo postupak javne nabavke KZ 16/20 – Nabavka boja i lakova objavom obavještenja o nabavci broj: 160-7-1-124-3-68/20 i tenderske dokumentacije na Portalu javnih nabavki BiH.

Nakon provedenog prikupljanja, otvaranja i ocjene prihvatljivih ponuda, ugovorni organ je donio Odluku o izboru najpovoljnijeg ponuđača broj: 03-03-01-1134/20 od dana 28.08.2020. godine, kojom je ugovor za nabavku boja i lakova dodjeljen ponuđaču „ALMY“ d.o.o. Zenica.

Po prijemu navedene odluke, ponuđač „MARKER“ d.o.o. Zenica je, dana 31.08.2020. godine, uložio žalbu na Odluku o izboru najpovoljnijeg ponuđača broj: 03-03-01-1134/20 od 28.08.2020. godine, koja je kod ugovornog organa zaprimljena putem protokola broj: 3853/20 dana 01.09.2020. godine.

Po zaprimanju žalbe, ugovorni organ je postupajući po odredbama člana 100. Zakona o javnim nabavkama, ocijenio da je žalba blagovremena, dopuštena, izjavljena od strane ovlaštenog lica i dostavljena u dovoljnom broju primjeraka.



Analizirajući navode iz žalbe, Komisija za javnu nabavku je, shodno članu 100. stav 3) Zakona o javnim nabavkama, utvrdila da je žalba osnovana i predložila da se predmetni postupak javne nabavke poništi, zbog sljedećeg:

Komisija za javnu nabavku je utvrdila da 3 (tri) ponude ispunjavaju formalno – pravne i tehničke zahtjeve ugovornog organa i to:

1. „ALMY“ d.o.o. Zenica,
2. „PLAN PLUS“ d.o.o. Zenica,
3. „MARKER“ d.o.o. Zenica.

odnosno da su ponude ponuđača prihvatljive i da mogu biti predmet vrednovanja shodno utvrđenom kriteriju.

Ponuda koja nije prihvatljiva za ugovorni organ sa aspekta kompletnosti, ispunjenja uslova i zahtjeva definisanih u tenderskoj dokumentaciji je ponuda ponuđača „PENNY PLUS“ d.o.o. Sarajevo iz razloga što je ponuđač u svojoj ponudi na strani 35 dostavio ateste / certifikate za boje i lakove za (stavke 4 – 10) na kojim je navedeno da se boje i lakovi razrjeđuju uljanim razređivačem, iako je Aneks-om 3 tenderske dokumentacije zahtjevano da ponuđači ponude boje i lakove na nitro bazi.

Tenderskom dokumentacijom predviđeno je zakazivanje e – aukcije. Prije zakazivanja e – aukcije, Komisija je pristupila vrednovanju prihvatljivih ponuda prema utvrđenom kriteriju „**najniža cijena**“, te utvrdila rang listu prihvatljivih ponuda / ponuđača, bez primjene preferencijalnog tretmana domaćeg u iznosu od 30%, kako slijedi:

1. „ALMY“ d.o.o. Zenica,

sa ukupnom cijenom ponude u iznosu od **15.763,55 KM** bez uračunatog PDV-a

2. „PLAN PLUS“ d.o.o. Zenica,

sa ukupnom cijenom ponude u iznosu od **15.989,05 KM** bez uračunatog PDV-a

3. „MARKER“ d.o.o. Zenica,

sa ukupnom cijenom ponude u iznosu od **17.104,01 KM** bez uračunatog PDV-a

te rang listu prihvatljivih ponuda / ponuđača, sa primjenom preferencijalnog tretmana domaćeg u iznosu od 30%, kako slijedi:

1. „MARKER“ d.o.o. Zenica,

sa ukupnom cijenom ponude u iznosu od **11.972,81 KM** bez uračunatog PDV-a

2. „ALMY“ d.o.o. Zenica,

sa ukupnom cijenom ponude u iznosu od **15.763,55 KM** bez uračunatog PDV-a

3. „PLAN PLUS“ d.o.o. Zenica,

sa ukupnom cijenom ponude u iznosu od **15.989,05 KM** bez uračunatog PDV-a

E – aukcija je zakazana 27.08.2020. godine u 14:00 sati a završena u 14:10 sati, nakon čega je rang lista ponuda / ponuđača, sa primjenom preferencijalnog tretmana domaćeg u iznosu od 30%, ostala nepromijenjena, kako slijedi:

1. „MARKER“ d.o.o. Zenica,

sa ukupnom cijenom ponude u iznosu od **11.972,81KM** bez uračunatog PDV-a

2. „ALMY“ d.o.o. Zenica,

sa ukupnom cijenom ponude u iznosu od **15.763,55 KM** bez uračunatog PDV-a

3. „PLAN PLUS“ d.o.o. Zenica,

sa ukupnom cijenom ponude u iznosu od **15.989,05 KM** bez uračunatog PDV-a



Cijeneći navedenu rang listu te činjenicu da se, shodno članu 1. stav a. Odluke o obaveznoj primjeni preferencijalnog tretmana domaćeg, preferencijalni tretman domaćeg primjenjuje isključivo u svrhu poređenja ponuda a ugovor zaključuje na ponuđenu cijenu bez primjene preferencijalnog tretmana domaćeg, Komisija za javnu nabavku je konstatovala da ponuđena cijena žalitelja bez primjene preferencijalnog tretmana domaćeg iznosi 17.104,01 KM, te da je ista veća od procjenjene vrijednosti za predmetnu nabavku, koja iznosi 16.000,00 KM.

S obzirom da ugovorni organ nema mogućnost preraspodjele dodatnih sredstava za finansiranje predmetne nabavke u okviru budžeta, shodno članu 69. tačka 2. stav e. Zakona o javnim nabavkama, ugovorni organ poništava konkurentski postupak javne nabavke KZ 16/20 – Nabavka boja i lakova.

Cijeneći činjenično stanje, odlučeno je kao u dispozitivu ove odluke.

#### **POUKA O PRAVNOM LIJEKU:**

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke. Žalba se izjavljuje Uredu za razmatranje žalbi BiH u pisanoj formi, putem ugovornog organa, u najmanje 3 (tri) primjerka.

v.d. Direktor

Amel Đogić

#### **Dostaviti:**

1. Ponuđaču: „MARKER“ d.o.o. Zenica
2. Ponuđaču: „ALMY“ d.o.o. Zenica
3. Ponuđaču: „PENNY PLUS“ d.o.o. Sarajevo
4. Ponuđaču: „PLAN PLUS“ d.o.o. Zenica
5. web stranica Preduzeća
6. Službi nabavke a/a